



Na osnovu člana 1.5 i 20.12a Izbornog zakona Bosne i Hercegovine („Službeni glasnik BiH“, br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 32/10, 18/13, 7/14, 31/16, 41/20, 38/22 i 51/22) i člana 18. Poslovnika Centralne izborne komisije Bosne i Hercegovine („Službeni glasnik BiH“, br. 29/18 i 25/20), a u vezi sa članom 6. Uputstva o vrstama, načinu i rokovima za određivanje biračkih mjesta („Službeni glasnik BiH“, broj 27/22), Centralna izborna komisija Bosne i Hercegovine je na 38. sjednici, održanoj 08.08.2022. godine, donijela

ODLUKU
o određivanju biračkih mjesta za glasanje u diplomatsko-konzularnim predstavništvima Bosne i Hercegovine

Član 1.

(Diplomatsko-konzularna predstavništva BiH u inostranstvu u kojim će se organizirati glasanje)

Na Općim izborima u Bosni i Hercegovini 2022. godine, za državljane Bosne i Hercegovine koji privremeno žive u inostranstvu i imaju biračko pravo, organizirat će se glasanje u diplomatsko-konzularnim predstavništvima Bosne i Hercegovine (u daljem tekstu: DKP BiH), kako slijedi:

R/B	Naziv zemlje	Naziv DKP BiH	Grad u kojem se nalazi DKP BiH	Redni broj biračkog mjesta	Ukupan broj birača
1.	Savezna Republika Njemačka	Generalni konzulat BiH u Minhenu	Minhen	D 01	1006
2.	Kraljevina Švedska	Ambasada BiH u Stokholmu	Stokholm	SWE 01	782
3.	Kraljevina Belgija	Ambasada BiH u Briselu za Belgiju i Luksemburg	Brisel	BEL 01	652
4.	Republika Austrija	Ambasada BiH u Beču	Beč	A 01	567
5.	Švajcarska konfederacija	Ambasada BiH u Bernu	Bern	CH 01	522
6.	Savezna Republika Njemačka	Generalni konzulat BiH u Frankfurtu	Frankfurt	D 02	480

7.	Kraljevina Norveška	Ambasada BiH u Oslu	Oslo	N 01	331
8.	Savezna Republika Njemačka	Generalni konzulat BiH u Štuttgartu	Štuttgart	D 03	325
9.	Kraljevina Danska	Ambasada BiH u Kopenhagenu	Kopenhagen	DK 01	311
10.	Savezna Republika Njemačka	Ambasada BiH u Berlinu	Berlin	D 04	303
11.	Republika Austrija	Počasni konzulat BiH u Gracu	Grac	A 02	297
12.	Kraljevina Nizozemska	Ambasada BiH u Hagu	Hag	NL 01	295
13.	SAD	Generalni konzulat BiH u Čikagu	Čikago	USA 01	194
14.	Republika Srbija	Ambasada BiH u Beogradu	Beograd	SRB 01	101
15.	Republika Slovenija	Ambasada BiH u Ljubljani	Ljubljana	SL 01	101
16.	Češka Republika	Ambasada BiH u Pragu za Češku i Slovačku	Prag	CZ 01	100
17.	Ujedinjeno Kraljevstvo Velike Britanije i Sjeverne Irske	Ambasada BiH u Londonu za Veliku Britaniju i Irsku	London	GB 01	79
18.	Država Katar	Ambasada BiH u Dohi	Doha	Q 01	51
19.	SAD	Ambasada BiH u Vašingtonu	Vašington	USA 02	45
20.	Republika Hrvatska	Ambasada BiH u Zagrebu	Zagreb	HR 01	41

21.	Republika Austrija	Počasni konzulat BiH u Salzburgu	Salzburg	A 03	43
-----	-----------------------	----------------------------------	----------	------	----

Član 2.

(Diplomatsko-konzularna predstavništva BiH u inostranstvu koja ne ispunjavaju uvjete za organiziranje glasanja)

Centralna izborna komisija Bosne i Hercegovine neće organizirati glasanje za Opće izbore 2022. godine u preostalim DKP BiH u inostranstvu, navedenim u Odluci o diplomatsko-konzularnim predstavništvima Bosne i Hercegovine u inostranstvu, u kojima se planira organiziranje glasanja za Opće izbore u Bosni i Hercegovini 2022. godine („Službeni glasnik BiH“, broj 27/22,), iz razloga što u istim nisu ispunjeni uvjeti propisani članom 6. stav (2) Uputstva o vrstama, načinu i rokovima za određivanje biračkih mjesta.

Član 3.

(Ostvarivanje biračkog prava za birače registrirane za glasanje u DKP-ima BiH u kojima nisu ispunjeni uvjeti za organiziranje glasanja)

Državljanima BiH koji su se prijavili za glasanje lično u DKP BiH u inostranstvu, a nisu ispunjeni uvjeti za glasanje u DKP-u, omogućit će se glasanje poštom, o čemu će biti obaviješteni od strane Centralne izborne komisije Bosne i Hercegovine u skladu sa članom 6. stav (3) Uputstva o vrstama, načinu i rokovima za određivanje biračkih mjesta, najkasnije 40 dana prije dana održavanja izbora.

Član 4.

(Stupanje na snagu i objava)

Ova Odluka stupa na snagu danom donošenja a objavit će se u „Službenom glasniku BiH“, „Službenim novinama F BiH“, „Službenom glasniku RS“, „Službenom glasniku Brčko distrikta BiH“ i internet-stranici Centralne izborne komisije Bosne i Hercegovine www.izbori.ba.

Broj: 05-1-02-2-1361-1/22
Sarajevo, 08.08.2022. godine



Predsjednik
Suad Amautović
Dr. Suad Amautović